

**Talamdan sa  
Mga Mensahe alang sa Full-time Training  
sa Fall Term sa 2023**

-----  
**LINANGKOB NGA HISGOTANAN:  
ANG MAHINUNGDANONG MGA PUNTO SA KAMATUORAN SA MGA SULAT NI PABLO—  
UNANG CORINTO**

Mensahe 2

**Ang Pagpahimulos sa Malangkobon-sa-tanan nga Cristo Magsulbad  
sa Tanang Problema sa Iglesia pinaagi sa Pagbuhat sa Krus  
aron Mahimo Tang Espirituhanong Mga Tawo alang sa Pagtukod sa Dios**

Basahong Kasulatan: 1 Cor. 1:18, 22-24; 2:2, 14-15; 3:1, 3; 6:17; 14:37, 32; Heb. 9:3-4

- I. Gipadayag sa 1 Corinto nga ang pagpahimulos nato sa malangkobon-sa-tanan nga Cristo magsulbad sa tanang problema sa iglesia pinaagi sa pagbuhat sa krus; si Cristo nga gilansang sa krus—maluyahon, tinamay, ug sinalikway—kapandolan sa relihiyosong mga Judio nga nangitag mga milagro ug kabuangan sa pilosopohong mga Gentil nga nangitag kaalam, apan kining Cristoha ra diay ang gikinahanglan nila aron magsulbad ang tanang problema nila—2:2; 1:18, 22-24:**
- A. Ang tinuod nga pagpahimulos kang Cristo naglakip sa kamatayon ni Cristo diha sa sinagol nga Espiritu nga dunay makapatay nga elemento, nga giaplikar sa tanang negatibong tawo, butang, ug hitabo nga may kalabotan nato sa adlaw-adlaw natong kinabuhi, iglesiahonong kinabuhi, ug buhat, aron makakinabuhi ta sa kinabuhing linansang sa krus pinaagi sa gahom sa kinabuhi sa pagkabanhaw ni Cristo—Exo. 30:22-25; Fil. 1:19; 3:10; *Mga Alawiton*, #481; *Mga Alawiton*, #631.
  - B. Gipakita sa Awit sa Mga Awit kanato nga magpahimulos gyod ang mga mahigugmaong nagtinguha sa Ginoo sa nagluksolukso-sa-kabukiran ug nag-ulo-iniktin-sa-kabungtoran nga presensya Niya nga mao ang gahom sa Iyang pagkabanhaw, nga makapapas-an nila sa krus ug makapadumili nila sa kaugalingon aron mapahiuyon sa Iyang kamatayon; magpahimulos ngani ta sa nabanhawng Cristo, dad-on ta Niya nganha Niya mismo nga linansang-sa-krus nga Cristo aron himoon tang mga mananaog sa tanang problema diha sa satanasnong kagubot sa daang kabuhatan ug padag-on ta diha sa diosnong pamatigayon alang sa bag-ong kabuhatan—A. A. 2:8-14; Fil. 3:10; 2 Cor. 5:17; Gal. 6:15; *Mga Alawiton*, #477.
  - C. Gipakita sa Bugna 2:7 nga ang pagkaon nato sa kahoy sa kinabuhi, sa ato pa, pagpahimulos kang Cristo nga atong sangkap sa kinabuhi, mao gyoy numero unong butang diha sa iglesiahonong kinabuhi; nag-agad sa pagpahimulos nato ni Cristo ang sulod sa iglesiahonong kinabuhi; ang tanang problema nato tungod man sa kakulang og pagpahimulos kang Cristo:
    - 1. Gihisgotan sa Bugna 2:7 ang “kahoy sa kinabuhi,” ug ang Griyegong pulong sa “kahoy” dinhi pareho ra sa pulong “kahoy” sa 1 Pedro 2:24, nga niingon nga sa pagkamatay ni Cristo sa krus, gidala Niya “ang atong mga sala diha sa Iyang lawas ngadto sa kahoy [sa krus].”
    - 2. Busa, ang kahoy sa kinabuhi nga atong makaon ug mapahimuslan mao ang gilansang sa krus (gipasabot sa kahoy nga mao ang krus—1 Ped. 2:24) ug nabanhaw (gipasabot sa kinabuhi sa Dios—Juan 11:25) nga Cristo; tinuod ngani tang nagpahimulos ni Cristo, nagsinati ta sa pagpatay sa krus sa pagpadayag sa kinabuhi sa pagkabanhaw; kining adlaw-adlawng pagpatay sa atong kaugalingon lakip na sa tanan natong problema aron man makagula ang diosnong kinabuhi diha sa pagkabanhaw (2 Cor. 4:10-12).
  - D. Ang usa ka hulagway sa pagpahimulos kang Cristo nga magsulbad sa tanang problema sa iglesia pinaagi sa pagbuhat sa krus makita sa Daang Tugon sa dihang nagpanaw ang mga anak sa Israel sa kamingawan sa tulo ka adlaw ug wala silay tubig; unya niabot sila sa Mara

(nagpasabot og “kapait”), kay pait man ang mga tubig sa Mara ug dili maayong imnon—Exo. 15:22-26:

1. Nagtimaan og pagkabanhaw ang tulo ka adlaw (Mat. 16:21; Buh. 10:40; 1 Cor. 15:4); nagpakita kini nga diha sa pagkabanhaw nabulag sa Egipto ang katawhan sa Dios.
2. Maisip nga adlaw sa pagkabanhaw ang ikatulong adlaw kay gibanhaw man si Ginoong Jesus sa ikatulong adlaw (1 Cor. 15:4); tungod niana, makaingon ta nga ang kahoy nga giitsa ni Moises sa pait nga mga tubig nagtimaan sa nabanhawng Cristo kay giitsa man kini sa mga tubig sa Mara sa nakapanaw na ang mga anak sa Israel og tulo ka adlaw sa kami-ngawan.
3. Nagtimaan sab ang kahoy sa krus ni Cristo, sa gilansang-sa-krus nga Cristo (1 Ped. 2:24; Isa. 53:5); tungod niana, makaingon ta nga ang kahoy nga giitsa ni Moises sa pait nga mga tubig mao ang gilansang-sa-krus ug nabanhawng Cristo nga mao ang kahoy sa kinabuhi.
4. Sa Mara, sa dapit sa kapait, “nituwaw [si Moises] ni Jehova, ug gipakita siya ni Jehova og kahoy” (Exo. 15:25); maingon nga nakakita si Moises og panan-awon sa kahoy ug giitsa niya kining kahoya sa pait nga mga tubig, kinahanglan sab nga makakita tag panan-awon sa gilansang-sa-krus ug nabanhawng Cristo aron mapahimuslan ug maaplikar nato Siya sa kapait sa atong pagkatawo; mahimo dayong tam-is nga mga tubig sa naglunhawng presensya Niya ang pait nga mga tubig—Buh. 3:19-20a; Sal. 23:2b; itandi sa 119:103; Ezeq. 3:3.
5. Sa mosinati ta sa krus ni Cristo ug magkinabuhi sa kinabuhing linansang sa krus, mahimong makaayong gahom nato ang kinabuhi sa pagkabanhaw ni Cristo, ug mahimong Tigayo nato ang Ginoo—Exo. 15:26.
6. Nag-ayo sa atong kamatayon ang pag-antos ni Cristo sa kamatayon aron makakinabuhi ta diha sa Iyang pagkabanhaw; makapatam-is sa bisan unsang kapait sa atong pagkatawo (itandi sa 2 Cor. 1:8-9, 12 ug nota 2) ang pagsinati ug pagpahimulos nato sa kamatayon ni Cristo diha sa ginsakpan sa pagkabanhaw (Fil. 3:10).
7. “Katam-is mamatay ubang Cristo, / Magawas’ kaugalingon; / Katam-is mabuhi ubang Cristo, / Maghari S’ya’s sulod ko” (*Mga Alawiton*, #482, chorus).

## **II. Ang tumong sa 1 Corinto pagdasig man sa kalagnon, iya-sa-unod, ug unodnong mga magtutuo sa Corinto nga magtinguha nga motubo sa kinabuhi aron mahimo silang espirituhanong mga tawo alang sa pagtukod sa Dios; gipadayag sa 1 Corinto nga usa tingali sa tulo ka matang nga tawo ang magtutuo—2:15; 3:1; 14:37, 32:**

- A. Tawong espirituhanong tawo tingali ang magtutuo, nga nagkinabuhi sa iyang espiritu nga gidihogan sa Espiritu Santo—Rom. 8:4, 6; Gal. 5:25; 1 Cor. 15:45b; 1 Cor. 6:17; itandi sa Bug. 3:19:
  1. Ang tawong espirituhanon tawo nga wala maggawi uyon sa unod o maglihok ba uyon sa kalagnong kinabuhi; nagkinabuhi hinuon siya uyon sa espiritu, sa ato pa, sa iyang espiritu nga nasagol sa Espiritu sa Dios; gibut-an ug gikontrol sa iyang espiritu kanang tawhana—1 Cor. 2:15.
  2. Ang tawong espirituhanon tawo nga nagdumili sa iyang kalag ug wala magkinabuhi pinaagi niini kondili nagpadominar hinuon sa tibuok niyang pagkatawo sa iyang espiritu, sa ato pa, sa gipanganak pag-usab nga espiritu niya, nga naokupahan ug gipalagsik sa Espiritu sa Dios; sa paggamit niya sa iyang espiritu mahibalo siya sa mga butang sa tawo ug madala nganha sa Espiritu sa Dios aron mahibalo sa mga butang sa Dios—vv. 11-12; itandi sa Rom. 8:16; 1 Cor. 6:17.
  3. Gidominar, gidumalahan, gimandoan, gipalihok, ug gigiyahan sa iyang nasagol nga espiritu ang tawong espirituhanon—1 Cor. 5:3-5a; 6:17; 2 Cor. 2:13-14; 1 Tim. 4:7-8; 2 Tim. 1:6-7; itandi sa Mal. 2:15-16.
- B. Tawong kalagnon tingali ang magtututo, nga nagkinabuhi sa iyang kalag nga gimandaran sa kalag, sa natural nga kinabuhi—1 Cor. 2:14; itandi sa Heb. 4:12:
  1. Ang kalagnong tawo natural nga tawo, nga nagpadominar sa iyang kalag (sa salabotan, pagbati, ug pagbuot) sa tibuok niyang pagkatawo ug nagkinabuhi pinaagi sa iyang kalag, wala magtagad sa iyang espiritu, wala mogamit sa iyang espiritu, ug naggawi man ngani nga morag wala siyay espiritu—Jud. 10, 19-21, 24-25.

2. Dili makadawat sa mga butang sa Espiritu sa Dios kanang tawhana ug dili siya masayod niini; alang sa natural nga tawo kabuangan ang mga butang sa Espiritu sa Dios—1 Cor. 1:22-24.

C. Iya-sa-unod ug unodnon tingali ang magtutuo, nga nagkinabuhi diha sa unod ug naimpluwensyahan sa kinaiya sa unod—3:1, 3:

1. Nagpasabot ang *iya-sa-unod* og hinimo sa unod; nagpasabot ang unodnon og naimpluwensyahan sa kinaiya sa unod ug niambit sa kinaiya niini.

2. Nagpakita ang kasina ug pagbingkilay sa Corintohanong mga magtutuo nga naggawi sila uyon sa unod sa hulog nga tawo ug dili uyon sa tawhanong espiritu nga gipanganak pag-usab sa Dios—vv. 3-4; 1:11-12; Gal. 5:19-20.

D. Nagtinguha ang Ginoo nga modawat sa Iyang grasya ang tanang magtutuo aron mahimong unang matang sa tawo—tawong espirituhanon (Gal. 6:18; Bug. 22:21); kay gitawag na man ta sa Dios ngadto sa pakig-ambitay ni Cristo (1 Cor. 1:9), nga Espiritung taghatag-og-kinabuhi karon (15:45b), ug kay nausa man ta ka espiritu Kaniya (6:17), makasinati ug makapahimulos lang ta Niya kon magkinabuhi ta diha sa atong espiritu nga giniyahan sa Espiritu Santo (Rom. 1:9; 7:6; 8:4, 14).

**III. Si Cristo mismo nga naglingkod sa trono sa langit (Rom. 8:34) naa sab nato karon (v. 10), sa ato pa, sa atong espiritu (2 Tim. 4:22), diin naa ang puluy-anan sa Dios (Efe. 2:22); naa sa Dapit Labing Balaan sa Daang Tugon ang Arka sa Pakigsaad, nga nag-hulagway ni Cristo, “nga gibutangan sa bulawang kulon nga gisudlan sa manna ug sa namutot nga sungkod ni Aaron ug sa mga papan sa pakigsaad” (Heb. 9:3-4):**

A. Ang tinagong manna mao ang pahat ni Cristo nga mapahimuslan nato sa presensya sa Dios kon walay distansya tali nato ug Niya; kon walay distansya tali nato ug sa Ginoo, makapahimulos ta ni Cristo sa labing suod ug natagong pagpahimulos; kini ang pagpahimulos sa tinagong manna, sa tinagong pahat ni Cristo—Exo. 16:31-36; Bug. 2:17:

1. Kon gusto tang makapahimulos sa tinagong manna, kinahanglan nga wala gyoy distansya tali nato ug sa Dios; wad-on gyod ang tanang distansya tali nato ug sa Ginoo.

2. Sa mangalagad ta sa Ginoo ug magpahimulos Niya nga tinagong manna, direkta tang maka-pakig-ambitay Niya ug masayod ta sa Iyang kasingkasing ug tuyo; diha man sa presensya sa Ginoo nga masugo ta Niya, sa Iyang tuyo, ug sa tanang gustong ipabuhat Niya kanato—Ezeq. 44:15-18.

3. Sa mangalagad ta sa Ginoo, sugoon ta sa Dios kay naa man ta sa Iyang presensya, naka-amgo nga walay distansya tali nato ug sa Dios—itandi sa Buh. 13:1-3.

B. Ang sungkod nga nanalingsing nagtimaan nga si Cristo, nga nabanhaw, mao gyod ang atong kinabuhi, pagkinabuhi, ug kinabuhi sa pagkabanhaw sa sulod nato ug manalingsing gyod, mamulak, ug mamunga nga mahinog kining kinabuhia—Num. 17:8:

1. Human mosupil ang mga anak sa Israel, ingon sa nasulat sa Numeros 16, gisugo sa Dios ang 12 ka pangulo nga magkuhag 12 ka sungkod sumala sa 12 ka banay sa Israel ug ibutang kini sa Tolda sa Panghimatuod atubangan sa Arka; unya niingon Siya nga, “Manalingsing ang sungkod sa tawong pilion Nako”—17:5.

2. Walay dahon, walay gamot, uga, ug patay ang tanang 12 ka sungkod; bisan unsang sungkod nga manalingsing maoy pilion sa Dios; makita nato dinhi nga ang pagkabanhaw maoy gibasihan sa pagpili sa Dios ug ang gibasihan sa pag-alagad dili iya sa atong natural nga kinabuhi; tungod niana, ang sungkod nga nanalingsing nagtimaan sa pagsinati nato ni Cristo sa Iyang pagkabanhaw ingon nga paghangop sa Dios kanato aron may pagbulot-an ta diha sa hinatag-sa-Dios nga pagpangalagad—vv. 9-10:

a. Iya sa natural nga tawo ang mahimo nato, ug iya sa ginsakpan sa pagkabanhaw ang dili gyod mahimo nato; matapos gyod una ang tawo ayha pa siya mapatuo nga wala gyod siyay pulos—Mat. 19:26; Mar. 10:27; Luc. 18:27.

b. Kon wala pa sukad makaamgo ang tawo sa pagkawalay-mahimo niya, dili gyod siya makasinati sa kahimoan sa Dios; nagpasabot ang pagkabanhaw nga dili ta makahimo ug ang Dios maoy naghimo sa tanan—itandi sa 2 Cor. 1:8-9; 4:7.

C. Ang mga papan sa pakigsaad, nga mao ang mga papan sa kasugoan, nagtimaan sa balaod sa diosnong kinabuhi, nga mao ang diha-dayong gahom, awtomatikong kagamitan, tiunayng kahimoan, ug diosnong kapasidad sa diosnong kinabuhi—Jer. 31:33; 32:39; Heb. 8:10; itandi sa Rom. 8:10, 6, 11; 10:12-13:

1. Segun ning kapasidara, makaila ta sa Dios, makakinabuhi sa Dios, ug maumolan sa Dios sa Iyang kinabuhi ug kinaiya aron mahimo tang pagtubo Niya, pagdako Niya, aron mahimong kahupnganan Niya nga magpadayag Niya sa walay kataposan—Efe. 1:22-23; 3:19-21.
2. Labot pa, ang kapasidad sa balaod sa kinabuhi sa sulod mag-umol nato nga mga bahin sa Lawas ni Cristo nga dunay tanang matang nga kagamitan—4:11, 16.
3. Samtang nagtubo ang diosnong kinabuhi sa sulod nato, nagbuhat ang balaod sa kinabuhi sa paghulma nato, pagpasama nato, sa dagway ni Cristo nga panganayng Anak sa Dios; pinaagi sa pagbuhat sa balaod sa kinabuhi, mahimong hamtong nga mga anak sa Dios tang tanan, ug mabatonan sa Dios ang uniberso hanong pagpadayag Niya—Rom. 8:2, 29.